

Ayacucho - Mañakuychik Salmos - WP Psalms

Salmos 68:1 Dios hatariptinga enemigonkunam chequerunku; cheqniqninkunam qayllanmanta ayquerunku.

Salmos 5:9,10 Paykunaqa mana cheqap rimaqkunam, sonqonkupi mana allin tanteaqkunam, kunkankupas asnaq sepultura hinam, qallunkupas llullalla rimaqmi. 10 Diosnilláy, paykunatayá castigay, mana allin tanteasqankumanta tuñichiy, mana allin ruwasqankumanta wischuy, paykunaqa contraykipim hatarirqaku.

Salmos 11:6 Paykunapa hawanmanmi rupachkaq sansata azufreyuqta paraykachimunqa, rupachkaq wayrawanmi kañarunqa, chaynam paykunapa pagon kanqa.

Salmos 18:14 Flechanwanmi enemigonkunata chequerachirqa, rayokunata kachaykuspm wañurachirqa.

Salmos 18:17 Atiyniyuq enemigoymantam libraykullawarqa, cheqniwaqniykunamantam libraykullawarqa; paykunaqa ñoqamanta aswan kallpayuqmi karqaku.

Salmos 18:39 Peleanaypaqmi kallpata qoykuwanki, enemigoykunatam ñawpaqniypi qonqorachinki.

Salmos 18:45 Mana reqsisqa runakunam hukmanyaruspanku pakakusqankumanta lloqsimunku.

Salmos 27:11 Dios Taytalláy, ñannikita reqsichiway, allin ñanninta pusakuway, achkallañam enemigoykunaqa.

Salmos 35:1-8 Dios Taytalláy, contraypi sayariqkunapa contranpi sayari, maqawaqniykunata maqay. 2 Escudoykita hapiy, yanapaykuwanaykipaq hamuy. 3 Qatikachawaqniykunapa contranpi hatarispa lanzaykita hurqoy. Almallayta niykuy; “Ñoqam salvaqni ki kani”, nispayki. 4 Wañuchiway munaqkunaqa penqaypiyá kachunku, mana allin ruaway munaqkunaqa qepaman kutichisqayá kachunku, 5 wayrapa apasqan qopa hinayá kachunku, Tayta Diospa angelninyá qatikachachun. 6 Ñanninpas tutayaq hinaspa lluchkayasqayá kachun, Tayta Diospa angelninyá qatikachachun. 7 Paykunaqa yanqamanta wichenaypaqmi trampata churarqaku, mana imanachkaptiymi wichenaypaq uchkuta toqorqaku. 8 Paykunamanyá qonqaymanta sasachakuy hamuchun, kikillankupa trampa churasqanmanyá wichenchunku, toqosqanku uchkumanyá wichenchunku.

Salmos 52:5 Diosmi ichaqa wiñaypaq purmarachisunki, wasikimantam qamtaqa qarqorusunki, kawsaqkunapa chawpinmantam chinkarachisunki.

Salmos 60:12 Diospa yanapakuyninwanqa hatun kaqkunatam ruwasun, paymi enemigonchikunata sarupanqa.

Salmos 66:3 Tayta Diosta niychik: Mayna admirakuypaqmi ruwasqaykunaqa, hatun atiynyuq kasqaykiraykum enemigoykikuna ñawpaqnikipi qonqoranqaku.

Salmos 68:35 Diosnilláy, ¡mayna admirakuypaqmi santuarioyki pi kanki! Israelpa Diosnimmi atiytapas kallpatapas llaqtanman qon. ¡Dios Taytayá qapaqchasqa kachun!

Salmos 70:1 Diosnilláy, kallpamuspa libraykullaway. Señorlláy, utqayman yanapaykullaway.

Salmos 71:13 Wañuchiway munaqkunaqa penqayman churasqa kaspa chinkachisqa kachunku, mana allinniy munaqkuna pantachispa penqayman churasqa kachunku.

Salmos 76:12 Payqa kamachuqkunatam wañuchin, kay pachapi reykunatam manchakuymanta katkatatachin.

Salmos 118:10 Llapa nacionkunam muyuriruwanku, ichaqa Tayta Diospa sutinpim tuñichisaq.

Salmos 118:12 Abejakuna hinam muyuriruwanku, ichaqa piñakuyninkum tukurunqa, imaynam kichkata nina ruparusqanta hina, Tayta Diospa sutinpim tuñirachisaq.

Salmos 149:8,9 reyninkuta cadenawan watuchanaykichikpaq, kamachiqninkunata fierro cadenawan chaqnanaykichikpaq; 9 paykunapa contrankupi, Diospa castigonta ruwayman churanaykichikpaq. Chaymi chuyanchasqankunapa kusikuynin kanqa. ¡Aleluya!

Pastor T. John Franklin
Church of Salvation, Healing, and Deliverance
COS-HAD.org